



Broj: 05-04-20-3145-4/26  
Maglaj, 24.07.2026. godine

Na osnovu člana 70., u vezi sa članom 64. stav (1) tačka b) Zakona o javnim nabavkama („Službeni glasnik BiH“, br. 39/14, 59/22 i 50/24), člana 25. Pravilnika o javnim nabavkama u Općini Maglaj („Službene novine Općine Maglaj“, broj 13/22) i člana 42. Statuta Općine Maglaj („Službene novine općine Maglaj“, br. 8/07, 3/08, 6/08 i 6/24), a u vezi sa Zapisnikom o pregledu i ocjeni ponuda, broj 05-04-20-3145-3/26 od 24.07.2026. godine, u postupku javne nabavke „Sanacija, rekonstrukcija i izgradnja lokalnih puteva, gradskih ulica, trotoara i sl. na području općine Maglaj“, Općinski načelnik donosi

**ODLUKU**  
o izboru najpovoljnijeg ponuđača

**I**

Prihvata se preporuka Komisije za javne nabavke i ugovor o nabavci radova na sanaciji, rekonstrukciji i izgradnji lokalnih puteva, gradskih ulica, trotoara i sl. na području općine Maglaj dodjeljuje se ponuđaču „Geo-put“ d.o.o. Maglaj, u skladu sa ponudom broj 64/26 od 15.07.2026. godine, po ukupnoj cijeni od 370.500,00 KM bez PDV-a, odnosno 433.485,00 KM sa uračunatim PDV-om.

**II**

Izabrani ponuđač iz tačke I obavezan je dostaviti dokumentaciju koja je tenderskom dokumentacijom utvrđena kao dokumentacija koju dostavlja izabrani ponuđač, u roku od pet dana od dana zaprimanja ove odluke.

**III**

Za realizaciju ove odluke zadužuje se Služba za urbanizam, geodetske i imovinsko-pravne poslove Općine Maglaj.

**IV**

Ova odluka dostavlja se svim ponuđačima koji su učestvovali u postupku javne nabavke i ima se objaviti na internetskoj stranici Općine Maglaj.

**O b r a z l o ž e n j e**

Odlukom o pokretanju postupka, broj 05-04-20-3145/26 od 30.06.2026. godine, pokrenut je postupak javne nabavke „Sanacija, rekonstrukcija i izgradnja lokalnih puteva, gradskih ulica, trotoara i sl. na području općine Maglaj“, putem otvorenog postupka. Predmetna nabavka objavljena je na portalu javnih nabavki, Obavještenje o nabavci broj 1140-1-3-82-3-71/26 od 01.07.2026. godine. Sažetak obavještenja o nabavci objavljen je u „Službenom glasniku BiH“, broj 48/26.

Procijenjena vrijednost nabavke je 470.085,47 KM bez PDV-a, odnosno 550.000,00 KM sa PDV-om. Kriterij za dodjelu ugovora je najniža cijena.

Predmetni postupak je, u skladu sa svojim nadležnostima, provela Komisija za javne nabavke imenovana Odlukom Općinskog načelnika, broj 05-45-1-1074/26 od 22.05.2026. godine (u daljem tekstu: Komisija). U toku postupka, Komisija je zaprimila pristigle ponude, izvršila njihovo otvaranje, pregled i ocjenu, prema zahtjevima i kriterijima iz tenderske dokumentacije, o čemu je sačinila odgovarajuće zapisnike, u skladu sa čl. 63. stav (5) i 65. stav (2) Zakona o javnim nabavkama.

U predmetnom postupku, Komisija je utvrdila da je blagovremeno zaprimljeno pet ponuda, prema redoslijedu zaprimanja kako slijedi:

| r/<br>b | Naziv ponuđača                  | Sjedište ponuđača             | Datum i vrijeme zaprimanja | Broj protokola |
|---------|---------------------------------|-------------------------------|----------------------------|----------------|
| 1.      | “Porobić” d.o.o. Zavidovići     | Radnička ulica bb, Zavidovići | 21.07.2026. 13,32h         | 7402           |
| 2.      | “Dobojputevi” d.d. Doboj Jug    | Usorska 130, Matuzići         | 22.07.2026. 07,38h         | 7433           |
| 3.      | “Geo-put” d.o.o. Maglaj         | Poljice bb, Maglaj            | 22.07.2026. 07,55h         | 7439           |
| 4.      | “Hajdić” d.o.o. Maglaj          | Misurići bb, Maglaj           | 22.07.2026. 08,00h         | 7440           |
| 5.      | “MGV gradnja” d.o.o. Zavidovići | Tvornička bb, Zavidovići      | 22.07.2026. 08,42h         | 7443           |

Komisija je, prilikom otvaranja ponuda, konstatovala da su zaprimljene ponude prihvatljive prema formi, obliku i potpunosti, odnosno dostavljene su u zatvorenim kovertama, na kojima su bili navedeni svi podaci traženi tenderskom dokumentacijom. Komisija je, prilikom otvaranja, konstatovala da ponuđač „MGV gradnja“ d.o.o. Zavidovići nije popunio Obrazac za ponudu (Aneks 1) u dijelu koji se odnosi na ponudenu cijenu. Zbog navedenog je Komisija njegovu ponudu odbacila kao nepravilnu, imajući u vidu odredbu člana 9. stav (4) tačka a) Uputstva o pripremi modela tenderske dokumentacije i ponuda („Službeni glasnik BiH“, br. 90/14 i 20/15), kojim je propisano da ponuda mora sadržavati popunjen Obrazac za ponudu.

Komisija je potom, na zatvorenoj sjednici, izvršila pregled i ocjenu preostalih ponuda, kako bi utvrdila da li iste ispunjavaju zahtjeve u pogledu ponudene cijene, predmeta nabavke, kvalifikovanosti ponuđača i ostalih uslova traženih tenderskom dokumentacijom. Komisija je ocijenila prihvatljivim sve preostale ponude.

E-aukcija je zakazana za dan 24.07.2026. godine s početkom u 11,00 sati. Nakon održane e-aukcije, konačna rang lista u predmetnom postupku je sljedeća:

| r/<br>b | Naziv ponuđača               | Cijena / KM bez PDV-a | Cijena / KM sa PDV-om | Procenat snižavanja cijene na aukciji |
|---------|------------------------------|-----------------------|-----------------------|---------------------------------------|
| 1.      | “Geo-put” d.o.o. Maglaj      | 370.500,00            | 433.485,00            | 21,17%                                |
| 3.      | “Hajdić” d.o.o. Maglaj       | 371.000,00            | 434.070,00            | 21,01%                                |
| 4.      | “Porobić” d.o.o. Zavidovići  | 418.980,00            | 490.206,60            | 0%                                    |
| 5.      | “Dobojputevi” d.d. Doboj Jug | 469.835,47            | 549.707,50            | 0%                                    |

Po završetku poslova koji spadaju u njenu nadležnost, Komisija je sačinila zapisnik o pregledu i ocjeni ponuda, u kojem je detaljno navela sve informacije relevantne za predmetni postupak, kao i preporuku rukovodiocu ugovornog organa da ugovor za nabavku radova na sanaciji, rekonstrukciji i izgradnji lokalnih puteva, gradskih ulica, trotoara i sl. na području općine Maglaj dodijeli ponuđaču „Geo-put” d.o.o. Maglaj. Preporuka je, zajedno sa izvještajem o radu Komisije, dostavljena rukovodiocu ugovornog organa 24.07.2026. godine.

U postupku donošenja ove odluke, posebno su cijenjene činjenice da je Komisija, sastavljena od stručnih lica, pravilno i potpuno izvršila ocjenu kvalifikovanosti ponuđača, te ocjenu pristiglih ponuda, u skladu sa kriterijima iz tenderske dokumentacije. Ugovorni organ nije našao nepravilnosti niti propuste u radu Komisije, koji bi eventualno bili osnov za neprihvatanje date preporuke za izbor najpovoljnijeg ponuđača i dodjelu ugovora. Uvidom u priloženu dokumentaciju, utvrđeno je da je Komisija u svemu pravilno postupila, te da je izabrani ponuđač dostavio prihvatljivu ponudu, sa najnižom cijenom nakon e-aukcije, a imajući u vidu navedeno, kao i činjenicu da je kriterij za dodjelu ugovora u predmetnom postupku najniža cijena, ugovorni organ je utvrdio da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Na osnovu izloženog, a primjenom člana 64. stav 1. tačka b) Zakona o javnim nabavkama, odlučeno je kao u dispozitivu.

**POUKA O PRAVNOM LIJEKU:** Protiv ove odluke može se izjaviti žalba Uredu za razmatranje žalbi, putem ugovornog organa, Općine Maglaj, u roku od deset dana od dana prijema ove odluke.

**DOSTAVLJENO:**

1. Ponuđači – putem maila
2. Služba za urbanizam, geodetske i imovinsko-pravne poslove
3. Web stranica
4. a/a



OPĆINSKI NAČELNIK  
Maid Suljaković

